

全華叢書

全華叢書

北山集三十卷

金華叢書

退補益開

北山集序

北山者鄭忠愍生長之鄉也公登紹興
間進士第補温州判官秦檜薦之於朝
為殿中侍御史識者非之然公雖受檜
薦卒弗與比當是時檜主和議公則抗
疏力爭由此忤旨降秘書少監求歸田

弗許繼除川陝宣撫使適金人求和尚
原檜恐公敗盟又改為四川宣撫則公
之不肯依附於檜者公之氣節為之也
覘其氣節可以知其文藝矣公秉性聰
慧以文章名世力追古人其初集十二
卷中集八卷皆公自定後集十卷公子

良嗣所編公有自序已載諸集中是編
其里人曹定遠重刻於康熙間首序者膠
西趙泰姓也嗚呼始公之官於朝也其奏
疏條議直以存亡禍福之幾上動主聽未
嘗依阿權奸存纖毫富貴利達念及制蜀
八年興屯政救錢弊肅軍威諸所設施其

一一形諸歌詠者皆據事紀實蜀之人
至今猶稱其功奈何奸宰銜之於內悍將
怨之於外謠詠媒孽以至始謫桂陽再謫
濠州三徙於復而終卒於封其困阨為何
如也然而人雖阨公於生前而公之灝氣
英光卒賴是編之存而不能磨滅於身後

則當時羣小百端以摧抑之者庸詎知
非所以玉成而顯鑠之耶而或乃齟齬然
猶執公受檜薦一節以相詬病夫豈知公
心者哉公字亨仲名剛中金華人歿後詔
復資政殿大學士謚忠愍云同治十二年
癸酉夏五月永康後學胡鳳丹月樵

甫序於鄂垣之退補齋



北山文集卷之首目錄

趙公序

張序

王序

嚴序

余序

嚴序

小引

凡例

姓氏目錄

目錄

謝

余

張

王

張

張

山文獻公

鄭忠愍公北山遺集序

士君子身任國事咸期有所建立而或遭時勢之窮
權位之屈有不得遂其意竟其局者天下莫不痛惜
之金華忠愍鄭公當宋紹興二年以進士起家由外
曹洊陟台司時與參謀國政議論侃侃之中又能從
容調劑迨宣撫川蜀六年之內田粟裕鼓鑄行強臣
悍將懾其威而勿敢犯遂能使國勢轉弱而爲強奈
何權奸不容羅織鉤致遠斥嶺徼遂齎志以沒天乎
人乎安得起公於九泉而慰之余少時讀史至南渡

以後屈指忠義有若而人對公之名輒斂容起敬不謂筮仕得婺令問俗於城之東過公祠下覲公之遺像神采奕奕如生隱然若有殷憂而凝思者蓋忠愛款款之忱猶可想見者如此其裔孫輩出其藏稿若干卷捧讀之餘更如聆公之謦欬云遂亟命新其祠而餼其遺集焉時有里姻曹子定遠相與輸資以佐其事抑亦可爲賢余因是而知士君子立身行已有忠義正直之志者其人雖往而其氣耿耿終歷久而不磨如公之立朝蒞民一本乎平昔聖賢之學全體

大用並見諸簡冊之表北山峩峩斯文與爲不朽焉
後之讀是編者其亦有所感興也夫康熙三十四年
歲在乙亥仲秋朔旦賜進士第文林郎知金華縣事
膠西後學趙泰銓薰沐拜撰

西外學飲泰性蕭初特拜

疾并了交外煉曉且觀藝士策文林潤映金華疎

對公館景識者其亦自視烈興少夫衆熙三十四

天此並貝精簡冊之表非山楚楚陳大與然不沐

序

文章著述歷百世而不磨者雖代屬數更必不湮沒
然而遇合顯晦蓋亦有數存乎其閒焉吾婺鄭忠愍
公清介耿直不阿權奸功存西蜀爲宋名臣公固顯
於一時矣獨是其生平好讀書喜著述有周易窺餘
經史專音左氏九六編諸集歷歲旣久屢遭兵燹篇
帙無存而斯文爲之一晦幸有北山集存焉是集也
體多奏疏書策氣並韓柳歐蘇斯亦不可磨滅者矣
無如時遇不值知音者希僅藏之名山耳歲在甲戌